

四庫全書

集部

欽定四庫全書

集部

儼山續集卷二

詳校官庶吉士臣李如筠

中書臣劉源溥覆勘

總校官中允臣王燕緒

校對官編修臣許兆椿

謄錄監生臣徐用中

欽定四庫全書

儼山續集卷一

明 陸深 撰

賦二首

水聲賦 并序

陸子北征困於道路日不數里而牀隸扃啟數更告
勞獻瘁蓄洩稍愆則舟膠于沙夜宿河次聞河水努
牒而過者淙淙汨汨臥不成寐乃秉燭倚舷聽而賦

之

轟轟乎蟄雷搏地軸與勦勦乎將颶風撼而砥柱折與
喧喧乎龍嘯雲與哮哮乎長鯨之吼日與逢逢乎周庭
鼉鼓何桴之不絕也
吟吟乎蕭寺鳧鐘而送又無節也
閔閔乎共工之首觝觸天柱與隱隱乎穆王之駿複道
馳掣與鏦鏦乎長平機發金革偕靡與烘烘乎咸陽火
縱而玉石裂與南薰和兮調揚泰山頽兮響長洞庭奏
兮未閔華州哭兮未傷將使褒姒輕裂帛巫山醒襄王

胡騎解重圍而鍾生改聽乎宮商也陸子寤驚惕若心
兵靜言審之胡為乎鳴舟人告予曰是曰水聲

四老圖賦

并序

清河公暨其夫人受封之又明年也公壽八十夫人
未及者二年蓋今昔之所難也其子職方郎中允敬
方佐天子削平羣盜不能一日去謀所以為壽者乃
以四老圖使其友陸深識之將寓歸樂公之志焉其

辭曰

偉四老之軼羣兮乃山澤之列仙何冠裳之陸離兮儼
商周之所傳宅乾坤以為家兮采桃實以為食馭陰陽
之逸駕兮縱吾轡之所極邁商顏以求侶兮過絳邑而
問年澹逍遙於野中兮各陳詞而競前覩眉宇之軒揚
兮知顏色之獨好忘榮名而不顧兮亮有得於要道欽
丹青之輝映兮羨高風於異時邈芳躅之孰繼兮顧於
今而見之乃有遺安先生南州淑氣子肯父堂母以子
貴媿雙美於共世兮若鸞鳳之在霄固松柏之貞茂兮

閱歲寒而後凋俯澄江之如練兮接蓬瀛於咫尺宴瑤
池之白雲兮映冰雪於姑射所貴君子之年兮作邦家
之寵光詠南山之篇兮聊寄情於霞觴睇桐里之鬱鬱
兮垂蔭於鯉庭相天誅之九伐兮固昔授之一經方將
履太和而超無為兮偕羣仙以容與橫大江之雲濤兮
爰徵詞而臨楚

五言古詩

五十七首

擬古三首

擬行行重行行

悠悠日將遠思君心甚邇所嗟異居處同生不同里別
離既以苦會合諒以難逝川期東海行雲戀故山自知
去日貌難比舊時顏出門即遠道雨雪紛浩浩潦泥縑
素衣安得白日照矯首念征人憂傷易終老

擬西北有高楼

層樓一何巍亭亭切雲霄綺疏縹緲間欄楯匝周遭不
知誰居中哀怨逐風飄為言本邯鄲關河望迢迢區區

懷苦心三載非一朝援琴以寫之意重絲難調初為陽
春曲再行鼓山高妙音本絕世賞識何寥寥思為雙黃
鵠比翼與俱翔

擬孟冬寒氣至

歲盈易寒風曠野何蕭條深居戒遠趾四壁亦飄搖陽
和日已往陰沍日已驕門外遠書至啟函知故交慰我
以好音期我以明昭感茲殷勤意千載詎能銷素心抱
愚衷欲吐還自韜

秋懷三首

越人挾燕石買之曰千金和氏抱荆玉至死悲不任
莫石媚光彩舉世傾所欽彼璞一麤礪在中誠難
堪不惜大寶湮傷哉和氏心

二

鴻鵠非讐人挽弓欲射之蜻蛉亦何意兒童解黏
絲人生寄一世毀譽安所期高樹多天風高臺多
赫曦貞白苟不虧豈能隨崇卑

三

試歌清廟篇餘音遏流雲千人拊耳過萬人
不為聞轉歌後庭曲和者日紛紛已矣何足
論吞聲淚汙汙

贈別徐昌國二首

北風起天末送子城東閨願言遲數里欸欸
得具陳我有一端綺持以贈夫君不願為黼
黻不願為袴視願為平居服昏旦常相親垢
敝忍棄捐愛惜情如新

二

北風吹我襟，望子不得見。
跂立恨足短，淚落迸如霰。
草樹搖寒涼，二曜急流電。
游子在路岐，襦薄馬悲顫。
未明戒先驅，薄暮苦後殿。
空谷多松栢，念此步不進。

南望水澁舟，不得去同行。
者謀就陸戲，成自慰春江。
多柳花風起，花還飛夕陽。
歛飄蕩委地，相因依行止。
諒有數蚤暮，同所歸百年。
總行旅安用，長歛敎羲和。
無東回安樂，誠幾希。眇馬泣岐子，人遠事已非。
飄飄山水間，志願良不違。
朝多清風來，暮多繁星輝。
古稱太史水間志，願良不違朝多清風來暮多繁星輝古稱太史

公千載欽嘉微

和趙類菴燈花

誦君燈花篇值我燈花燦旖旎欲浮香數披似春半圓
朶競霞呈岐枝誤星散娛翫夜三更遲回腸九轉獻祥
諒無私涼德歌有酬南郊禮將成預兆明庭宴無藉春
風吹偶見春風面影搖畫屏斜蕊墮銀檠亂君才本天
妙况復論交淡游戲賦燈花膏馥人猶厭麗藻凌六朝
高風駕前彥倘許聖後塵鉛槧從茲辦寒燈復作花政

爾從人願

邯鄲縣南見捋柳芽充饑者

青青楊柳樹
弩眼學窺春
風漸暄妍品
彙一以新如
何遭採折捋
之葉也也初
疑摘早茗尤
恐識未真問
此胡為爾荅
云療饑貧芽
茁本可茹何
暇辯芳辛既
免私家競復
有官道遵連
朝斷烟火持
此抵八珍地
爐酌野水拾
樵煮清淳幸
將糠粃雜撐
腹藉輪囷去
秋淫潦厄今
春點差頻焉
知歲年計聊
度旦暮身鳴
咽語難了淚

落如可紉見此三歎息臨岐倍傷神黎民有菜色何況
等木斂道路正供億一日須萬緡民腹已如此民力那
堪論王政先糶獨漢治資良循天恩倘可乞咫尺當重
陳

儼山精舍晚意

風蟬咽翹林江鷗泳別渚雲霞變初秋焦枯慰時雨豈
乏凌冲志蓬瀛渺何許兀坐當軒楹涼飈滿衣苧中炯
常晏如外紛亦屢拒會心適寡諧顧影聞獨語

風雨夜擁爐防警緝兒從傍屢作啼思

野居寧免懼所恨之兼賢雞犬偶不寧兒女成悲啼青
韁有舊物綠林多健兒昨聞東西陌頗受狐鼠欺明燈
守長夜風雨正淒其豈云網可漏無乃歲阻饑春陽正
駘蕩民物方皞熙願言寄當路莫憚催科遲

雜詩三首

四叙若鱗次君子感變遷昨日夏熱酷今夕秋月鮮涼
颼振天末草樹失故妍亢鳥逝不返蒼鷹厲高竄苟無

豳風人何以卒歲年

二

古井春無泉槁木夏無枝仲尼歎糞土詩人詠德基中
夕起坐歎歎息將奚為去者日已遠來者安可期不見
令名士監古乃得師

三

敝幃殉老馬恩義貴有終三良從下世黃鳥哀國風蟻
穴墮太山蛆流毒桓公棄置萬夫望憂來不能窮浩歌

當永夕沉思夜將中

元旦日蝕

白日衆陽宗王正四序首況此月初吉食之亦孔醜故
老相驚嗟百年未曾有頗聞文皇時茲事亦匪偶當其
君臣會災祲豈能久宋公才一言熒惑乃却守于今太
陽厄從申直至酉羣僚萃南宮簪組紛前後臺史報初
虧稽首再三扣元臣跪伐鼓申救情獨厚高高若罔聞
啖食未滿口乍疑壁微缺忽若鏡中剖須臾如月初恍

欲露星斗慘淡不可辨氛霾互纏糾天人會相通垂戒
固不苟吾聞月掩日其事果然否無乃陽道衰遂為陰
所走月本傳日行代明得稱耦倘使日景虧月光安所
受其事或渺茫吾欲徵神瞍載觀春秋書一一各有取
下土蟣蟲臣慚無捧日手

雨夜無寐泛然成篇

海隅苦卑暑溽潤恐違生思凌千仞岡一眺白玉京玉
京多仙侶招邀有深情餐啖皆淳和被服何輕盈俯視

塵中世朝夕競浮榮

聽雨

撼撼入葦際蕭蕭自簷楹幽居忽復旦迥野薄江城偃
息從茲始塵鞅詎能嬰園田被膏潤琴書有餘清浮生
本未定譽毀等陰晴聊有盈觴酒獨酌慰幽情

吳人以巨艦載湖石至雨中閱之

濛濛江天雨遙遙湖水船誰施巨靈斧擘此青數拳縹
緲呈夏雲嬋娟隔春烟雖乏衛公識偏懷米生顛蹇予

頗好奇有癖在林泉肩輿度壑暝孤榜逐溪緣品視別
苔蘚摩挲計雕鐫遄歸亦乘興臥遊裁短篇

寓樓寄儲芋西

天低歲云晏故鄉復僑居與子共巷陌相壘一水餘瓦
屋正鱗次石橋亦虹舒心親物無礙會數意猶疎乾坤
本逆旅日月自居諸來此飲名酒相携校詩書華髮不
可變功名等為虛及時須行樂政恐不待予申章示同
志聊以酌遂初

題茁蘭

滋蘭茂九畹靈雨茁其芽和氏抱荆璞以身明不瑕芳
澤貴自保物色寧有涯但使臭味同歲晚何足嗟猗猗
關西彥風流如謝家光輝媚幽巖旖旎揚芬華溫恭君
子持令德戒紛嫵豈乏桃李姿貞白世所嘉

洗竹

蘭以當門鋤竹緣太密洗託身苟失所彼美徒漫爾郊
居時雨餘茅蕪手自啟好風來林端煩曦蔭樹底生事

雖甚微麤足辦鹽米會心即交游異姓等兄弟吾行迫
始衰聊復勤四體伐檀譏素餐相鼠歌有禮

九月朔晨興

落葉紛可掃客行殊未歸大化無停運倦翼多卑飛凌
寒懷執熱撫序悲授衣物候變南北世故有依違晦朔
成代謝所嗟知者稀

謁漢高廟

元冬曜白日曠野吹大風旅行齊楚交密與豐沛通磊

魄半畝丘乃有高皇宮堂堂赤帝子儀像居當中天運
苟不極未肯生英雄一時風雲會百輩皆王公野人守
敦樸香火祈年豐那知千載上行天乘六龍丈夫事真
主聖人優百工感歎復感歎豈必非遭逢

贈別汪天啟同年

借問何所悲相知新別離掩袂各揮涕步步不得辭恐
墮兒女情揮酒盡一卮念我同門友高舉振羽儀東西
各有過與子願獨偕叶意多覺別促情親身不違仰眎

白日速嗟此道上泥久要四海志歲年空路岐慷慨發
我歌我歌當向誰諒子重察識會面知有期

過黃憲墓

當年自無營千古如識面安用金石堅始知儀秦賤曉
行襄江濱殘月墮西堰溟濛草露晞顛顛標題見相從
牛醫來古意倘未變

和陸太宰水村也適軒詠懷

地即大隱勝材集補天餘達人秉高尚詎云朝市拘覆

庇本四海俯仰托茲廬雲石自流峙吹噓及根株命觴
沿徑曲鑿泉當坐隅遂使耳目曠頗勝絲竹俱心融境
斯一理適情自娛載理聞鶴譜時臨換鵝書藏胃富丘
壑佐世登唐虞疏品荷陶鑄蓴鱸思躊躇室邇人甚遠
歌嘯日正舒賤子獲聽履自負龍門如

送徐昌穀湖南纂修

取友在異世貴此肝膽通與子同鄉國筆硯亦屢同一
別歲月速那得不匆匆宵戒一觴酒起視夜方中追子

恐弗及繆綢叙難終夾居長安道參商各西東況茲萬里隔目斷雙飛鴻江涓長芳草鬱紆傷我衷

詠蠶食葉圖為康修撰德涵作

啖葉勢未已謀生意何愚但知厭其腹寧知用其軀恩深報必厚功高禍與俱物理固若此感歎將焉如

張太史常甫得予告

聞子有遠役我心已南悲菀彼桑與梓藐在天一涯恨無雙羽翰高飛鎮相隨持此一寸心隱抑詎當知宵起

步廣庭天高列星遲人生有會合世故多別離別離勿
復道但問別者誰

雜詩

覽鏡難自持容顏豈常好秋高風露勁黃落紛弱草豈
無長生藥馳心違至道淨宇澄垢懷冥觀契元造遲迴
三十年念此苦不早瑤池與元圃微風蕩芝草

釣臺

雙臺切高雲碧溪下長風本懷戀比鄰長嘯辭王公把

釣已忘魚入夢猶非熊人境有舊廬客星動高穹江山
自朝夕禽魚或西東朝市各取適出處俱自躬豈曰萬
戶侯非此一畝宮咄嗟保厥始優游慎所終

玉華雜詠三首

蓬壺

羣仙厯萬劫三山乘六鼇琪樹連瑤草珠宮貝闕高歸
來玉華子新製六銖袍

碧香閣

雨洗碧色鮮風來清香遠
田田既堪悅亭亭若可飯
幽期當南軒微波坐成晚

問月臺

月出青山外浮雲為掃開
缺圓緣底事弦壘孰相催
有言俱不省流影照高臺

宿佑聖觀候明發

是日小至

宦業祗簿領游目曠林泉
偶此山陰雪來衝竇中烟
新陽一以長天道會好還
招邀復材彥探討事幽元
初遵

潛虬壑還過種玉田曲檻俯躍鱗盤空墮飛鳶時聞林
端磬幾遇雲外仙相將願有遂所適期無前

武城觀漲因憶陳后山五月一雨涼中宵大江
南之句情景悠然援毫有述

長河五月雨一夜十尺强大星映南斗微風生蚤涼坐
此景物暢懷彼路阻長人生百年內弦壺倏相將苟非
金石固動靜各有常大化無停息仰視河漢光

安山道中晚棹

洋洋水波逝水欽川上懷遂將去齊魯明當度江淮遠
役謝塵鞅高居理茅齋沙田二三頃婉孌東海涯芳春
景物麗夕陽襟抱佳耕讀有遺軌長使願無乖

題陳光祿惟順迎暾書舍二首

鷺嶺

白鷺斜行下青山百里長登高一以眺風物近瀟湘謝
安如可起飛去逐鸞凰

寺烟

有寺隔東鄰人烟日中滿感此盈虛間沉吟坐來晚曠
古達者心尋山不辭遠

近田詩

并序

太宰松臯翁作近田詩以示其冢子僎僎奉以為別
號深讀其詩序窺見翁之實學近裏若此因和一章
近世有講學者長虛驚遠賴翁此作可以一變深亦
為之惕然蓋不獨可以傳之一家也僎其實之

國風驕甫田鄒孟戒捨已載歌許近田取譬同一理許

本太岳後繼世疊金紫煌煌示新篇下帶有深旨西周
帝王基累世由農起千載公劉詩配天后稷祀致廣本
慎微舉遠必自邇請觀阡陌間東西僅尺咫耕耘貴及
時稼穡便佐使屨杖傍門廬饁餉出童婢收成俄頃間
焉用枉邈迤心田尤近之力耕從此始請君聽我歌我
本田家子

晨興見白髮

四十期有聞覽鏡髮改素古人悲染絲一變不復故神

王自中恬形勞豈外慕伊余本懦儒履滿每知懼悟言
養生篇引領遂初賦大化運自然顏景不可駐達人固
忘我君子保末路華實見本根相將歲寒暮

裕州宵行車中聞雨

計程兩旬日乘傳二千里山川氣候分值此廉纖雨輦
路歛輕塵遙山渺烟樹浙滙響蓬軒夢想春江行役
雖苦疲陰陽有變理物情荷恩慈天運賴明主甘霖在
咫尺滂沱慰中土

月下發河間

西北列玄陰晨氣何凜冽鼻息凝層冰纖指不得結出
郊遂無際戒頽膚欲裂崎嶇雖強禁頗勝風沙沒

新城趨涿州喜見西山

杳杳青雲間萃律黃金臺行人多苦寒常恐北風來

風起

則黑氣如山當空北人以為候漸近始分明熟視驚還猜相逢陌上人

顧問首屢回所期既以遂鬱紆開我懷

送王存約赴惠州二首

涓埃難為功犬馬終戀主
新辭掖垣直郡符遂中剖
平生孤矢懷慷慨赴南土
身遠跡甚邇愛深心愈苦
於惟孝皇仁貽謀邁前古
網羅天下才拔十望得五
鼎湖一睇瞻臨風淚如雨

二

朱方赤日永揚舲江路長
亮無沉湘賦寧少伐木章
川原孕靈淑藻麗發景光
冲抱秉素尚令德藹餘芳
徽音幸毋阻一寄鱗鴻將
莫以仳別恨置此冰炭腸
地理任

險易天運變炎涼

寓谷亭二首

幽蘭出佳谷託根岐路傍
路傍多風雨侵凌良獨當
榛荆雜菅茅紛紛遙相望
白日萬里遠腐草流螢光
感此忽求懷冰炭入我腸
千古曠達人去住貴能忘
松菊有良侶諒茲非故鄉
安得垂天翼附之東南翔

二

駕言登高丘憑南望天涯
彷彿北堂樹穠郁時敷披
心

恍神與俱長跪畢我私初言定省違次言苦路岐三言
近起居四言長相思五言母慈重未能報男兒滔滔殊
不已涕泗交相垂浮雲自南來雙日忽如遺茫茫千里
外想仰徒噫嘻日夕山下歸露草青離離

送朱子文令奉化

少小同鄉校文翰事幽討比身雙南金抗志萬物表鄙
余慚先登遲子在遠道邇來叩帝閤披腹呈至寶經綸
以為期勗哉善自保

我有平生人

我有平生人區區管鮑看金石諒匪堅何況蕙與蘭聯
袂慷慨歌聲激雲端青雲為之開白日照肺肝恩情
中道阻盟誓日已寒四海非不寬吾心自不安清宵入
我夢援琴為吾彈

霜後拾槐梢製為剔牙杖有作

金筓與象籤淨齒或傷廉青青槐樹枝一一霜下尖偶
聞長者談物眇用可兼搜剔向老豁其功頗勝鹽兩堅

苦難入薄肉忌太銛眷此木氣餘柔中末逾纖復有苦
口利用之代鍼砭余官自槐市日夕映齋簷西風動中
宵乾雨鳴疎簾呼童事收拾束若虬髯試以苜蓿餘
風致殊清嚴作詩示君子取才慎棄捐

江行望洪都

吳楚並南紀風物共清嘉澄湖富魚鳥聯山起龍蛇人
力務稼穡土膏雜桑麻秋氣日漸勁四野垂幽花旗旗
發前蒞樓船奏清笳極目有嘉致兀坐澹不譁雲開帝

子閣水深高士家南浦餘碧波西山結綺霞撫此大藩
地豈曰盛繁華緬慙寄民瘼何以荅晨衙

間居三首

壁月墮止水可翫不可親幽人俯闌曲羽扇一角巾悟
我真色相澹然忘此身

二

軒中何所有四壁微風發其大不盈畝納此一輪月嬋
娟萬里情徘徊照短髮

三

畫簷淨流雲鮮月代秉燭上有梧樹枝下有寒泉綠夜
深地復靜俯仰皆自足

儼山續集卷一

欽定四庫全書

儼山續集卷二

明 陸深 撰

吳中新刻臨川集甚佳雙江聶文蔚持以見贈
携之舟中開帙感懷寄詩為謝

少小有書未能讀暮年好書讀不得豈惟簿領少餘閒
兩眼冥蒙淚旋拭簾前見物私自憐霧裏看花慣曾識
憶昔家住東海濱世務耕農寡文墨勉勤誦習起家門

每事收藏節衣食一從觀國上皇都十載具官充史職
長安朋輩心多同古典探搜事尤力荆文丞相宋熙豐
國監遺文舊嘗刻猗予謬司六館成手許校磨工未即
當今楔棗稱吳中唐模宋板俱奇特是非本定空愛憎
報復何窮恣翻覆文章功業兩難朽治亂興亡三太息
蘇州太守古鄴侯貽我遠勝黃金億樓船風雨滿章江
把玩新編坐相憶

蒼鷹圖

蒼鷹瞥地風蕭蕭狐耶兔耶狂欲跳老拳未放輕一攬
側目政爾愁雙翹天空秋老闕塞晚落日孤林萬山遠
覽圖令人氣滿膺荆榛匝地移蘭畹林生五嶺太平人
何事落筆心先嗔忠貞立朝奸佞懼貔虎負壑山林春
錦衣周君人中傑意氣要與圖爭烈封侯萬里看下韉
一灑平蕪遍毛血

次荅沈叔明石屏歌

效古初開綠野堂偶置屏石增清光此屏來自萬里道

產向滇南山水鄉點蒼秀色多烟景雲霧重重玉龍隱
星斗高侵太白峯海天常拂扶桑影疑有陰陽變晦明
臥遊坐對俱崢嶸若非黑白分明見必是丹青點綴成
猗予少日多遊興今已白頭尋蔗境愛月時登庾亮樓
歸田重理陶潛逕摩挲此石得大觀羲娥來往雙轉丸
獨倚巖巖酒醒後便覺空同眼界寬微茫雲外見新月
晃漾峯頭餘積雪長夜高堂如有神衣冠滿座皆含別
多君珠玉羅胸中落筆宛有唐初風為我石屏歌一闕

安得持獻天子明光宮

次荅姚子明石屏歌

乾坤奇秀皆儲精老我儼山偏多情是中猶有愛石癖
一見奇石雙眼明十年去國行八省參謁咨請兼逢迎
晚蒙聖恩召自蜀置之金馬白玉京晨趨黃扉暮紫闥
左圖右史心無營賜金月俸有餘鏹買得一屏當座橫
人言此屏本無價我亦得意還若驚烟雲縹緲天台路
巖壑隱映芙蓉城瑤池東來降王母仙掌擘出頰巨靈

有時坐對一長嘯便覺毛骨隨風輕滇南蒙段昔開國
此石充貢萬里程攜歸東海添秀氣聊與平泉作後塵
得君長歌更增重五色光燄輝文衡

七峯歌

七峯主人家七峯七峯東來如七龍地當北斗星辰見
派接南山雨露濃綠江亭館連雲起方丈瀛洲天尺咫
帆穡渺渺萬里船烟波日日東流水主人元是孫子荆
漱石枕流非本情曾吞雲夢已八九眼視四海皆弟兄

況有文章稱大手，遠追建安成七友。
雲樹鶯花一萬重，琳琅金薤三千首。
遙峯絕壑迴還孤，虧蔽陰陽自有無。
寂寞可憐楊子宅，丹青空事輞川圖。
觀國才華工好古，別啓圖書羣玉府。
黃鐘大鑄序殷周，太華長河儼賓主。
門外聯翩長者車，峯頭縹緲列仙居。
青天白日常應爾，金塢珠樓總不如。
江南自昔多佳麗，誰復豪華誇甲第。
桑梓依依見此心，弓裘永承先世天。
鍾形勝待公侯，莫因風物重淹留。
願將郭隗千金價，更起元龍百尺樓。

丹陽孫思和新作七峯之居與江山相映發予曩在翰林時許以題識以冀身遊其間為偉麗特絕之觀蓋久而未果嘉靖癸未思和東過海上要予夙諾聊成短歌庸荅雅尚七峯其能出長風盪穹林與江聲海濤相應和乎是歲十月既望

竹齋歌

有序

豐城王君鑑之以竹名齋游宦所至輒以竹齋聞蓋紀勝也凡勝無常物勝則人附物人勝則物因人仰

七政而思舜觀河洛而見禹物之勝也陶靖節之菊
林和靖之梅人之勝也物勝則重其人人勝則物因
之重自古逮今一也竹之勝自孔門所羨清修節槩
之士咸願附焉鑑之其有取於竹哉故予為作竹齋
歌

君不見仙尉齋前數竿竹助於龍穎嫩於玉向晚冰霜
如有情多時盤飭寧無肉一從手種春雨餘搖動青冥
散炎燠未論留汗等琬琰先須截管諧琴筑曾聞子猷

傲山陰何如衛武歌淇澳虛齋中含八面涼恍疑瀟湘
秋萬斛軒窓隱映月漸移枕簟飄蕭粉初撲堪擬封侯
自千畝正有幽人在空谷凍雷驚筍起臥龍佐石蟠根
解羣鹿遶簷日日報平安一歲清風三百六齋中本是
瀟灑人歲寒之交元有神當年隨計赴上國尚書宰相
俱心親人言松柏並奇操共愛金玉尋芳鄰焚京爭誇
見彷彿黃金別築高嶙峋劍江回首舊隱地花縣拜命
新行春竭來小試釣鰲手東海裊垂絲綸九苞彩鳳下

覽德千里青雲高致身仇香枳棘昔同調
蔣翊徑路今通津
雙將形影照南浦
若比甘棠尤逼真
我歌竹齋君試聽
天子用爾清風塵
會須嶰谷逢伶倫

怡菊歌贈童相士

品菊如相馬不在驪黃間
以此復相天下士
伯夷陶令何為顏
維時日月俱逢九
千山蕭森松柏後
且看歸去三徑花
況有生前一杯酒
酒酣耳熱歌鳴鳴
白眼仰視雲天無
虎頭夔額祗俗輩
鳶肩火色誰丈夫
拂衣起就

菊花舞白頭童童風縷縷金錢若解買秋光更種明年
一千樹

送朱玉洲遊南雍

玉洲勝絕天下無皎如秋月懸水壺連城豈為索高價
千頃直欲吞江湖幾年東海抱絕藝邇來長安稱鉅儒
黃金殿前看落筆滿紙一一驪龍珠庭前郎君名進士
門下諸生朝大夫自有鰲頭須手致更從北闕向南都
千金駿骨非難事萬里鵬風有壯圖太史近占乾象好

題詩贈汝還憐吾聽我題詩作吳話終當把酒
話尊罍

岐陽石屏歌

喻太守子乾所惠

岐陽之民像侯德遠致山中一片石依稀宛見城郭面
彷彿尚帶山川迹一從乘驄換五馬霧渚烟村坐來隔
摩挲三復如有情指麾從吏貽江濱長卿多病枕書臥
驚起門外高嶙峋倒履相迎問來使開械再拜生陽春
荷侯此惠百感集媿我家徒四壁立忽焉屋底開暮晴

搖蕩虛無翠寒濕新恩舊惠俱在眼萬壑千巖互相入
滇南大理空自珍江上數峯尤絕倫天然飛走肖麟鳳
瑟爾瑩潤同瑤珉坐當保障屹不動豈免覩物終懷人
自是侯家有餘積留待他年隔朝席沉金孔雀映芙蓉
郎君近作乘龍客胡為致之向儒素恐使湘靈動深惜
君不見唐朝太宗重畿甸遍題姓字留宸眷天生異質
當大用安得隨君獻入光明殿

題鄭俠流民圖

為曹承之主事

近時畫手數吳偉泰和郭詡差可擬良工位置着意深
何但烟雲生筆底此圖淺淡頗有工描寫人物間闕裏
骨肉牽聯老稚兼衣裳縷縷面目紫云是鄭俠流民圖
彷彿啼號聲滿耳風回草樹生畫陰翠壁華堂容有此
雲間才子曹濮陽曾藏丘壑心如水竭來射策光明宮
便欲飽煖同遐邇俸貲積月數不盈擘畫太半收書史
時騎瘦馬向長安買得殘縑大小李會心論格不論錢
袖來向我陳終始闕同荆浩久已無馬遠夏珪呼不起

郭生自是清狂人東抹西塗聊復爾太平有象雞狗肥
世路無情鄉井徙君不見治亂興亡各一時憑仗調和
與燮理民瘼寧知千百端君門空瞻一萬里摩挲此圖
展轉不已荆文相公熙豐天子

月潭歌

有序

月潭以盛宗舜氏聞人境俱勝每當秋月印川時又
若宗舜氏之在予目睫也宗舜明於地理之學予莽
先太史公宗舜寔有力焉茲將謁選天官作月潭歌

送之

青天一片月墮影萬丈潭上下本空同水月自相涵月
潭先生人中豪家住東海之東臯心胃瀟灑了不染肯
與世路衝風濤早年文史富筆硯中歲節介何其高秘
傳別有郭氏訣直欲萬里空秋毫月潭子真地仙尋山
問水廢白日彈冠結綬還當年方今天子神且聖虎拜
鵠立金鑾前願將玉兔長生藥并獻水底驪龍涎乾坤
朗照湖海靜予欲秋江弄月圓

呂梁行

君不見呂梁之水天下奇
奔騰轟澍無停時
飛水走雪耀日色
龍吟鯨吼啼蛟螭
恍如鼇足昨夜折銀河
倒傾忙驟馳又如天鼓落
下界神丁六甲相追隨
舟人伏枕不敢睡
稚子未解驚滿頤
黃河源自星宿海
千里萬里歸天池
濟川以南數十水
匯同涑會來於斯
蓄受既富發泄盛
俯視此理良無疑
不信請看田道間
夜來春雨今朝泥

題文徵明畫

筆下塵埃一點無
開圖知是賀家湖
秋風九月旅蒲岸
橫着溪舟看浴鳧
阿明此藝稱獨步
前身妙絕元姓顧
安得置之水晶宮
臥看雲烟落毫素

七十歌

歲月流落何草草
古今七十世稀少
我生二十五始仕
自計五十歸須早
餘年二十付閒適
等此三分少壯老
邇來倏忽四十五
鬢髮斑斑志灰槁
況懷憂患在遠途

慘淡冠裳雪皚皚人生苦非金石固恒恐形神不自保
悲歡晝夜正相半此後信可知懷抱欲從今日巧相補
利路名場迹如掃五年縱復能幾時一寸光陰璧非寶
虞翻骨相久已寒子雲曉事恨不蚤故園花柳雖未成
願得强健晚亦好交戰要難為達者乘險那得窺大造
試將此意一問天長風南來萬里道

十一日安陵始得風過桑園

人生快意寧有此帆腹飽風走溪水憶昨躋攀分寸間

今之北船無乃爾天公大運詎兩全怨者自怨喜自喜
半生紛逐向畏途首肯分明到物理華閣滕王高宴中
青衫司馬扁舟裏古來此事信有然坐看明月江心起

贈別殷子


殷子有奇骨昂藏若駿馬康莊在遠道伏櫪甘土苴長
安一朝別我去再三挽留不能住潞河新有下灘船到
家正及朱炎暮君家本在齊魯墟楓林瑟瑟臨前除小
樓畫檻蔭林椒中有前世千卷書北窓慈母髮垂領倚

門望兒悲短景小弟今年十四五弄筆時時學馳騁上
奉母顏下課弟日有餘功擬叢桂病骨偏宜秋氣涼藥
囊間却參苓劑登高迴睇望泰山恍見仙人時往還翩
翩白鶴不可借流光日夜凋朱顏朱顏一往那再復惟
有功名留汗竹志士偏增日暮悲佳人易感窮途哭憶
昔虛堂坐論文辭鋒往往追先秦談詩屈指數漢魏歎
息六代何無人殷子奇氣鮮有匹人間八寶光耀日吳
郡徐子吾畏友每每到君賞高逸君不見九方臯胡能

按譜求馬毛顧子加餐善自愛天開十二終當泰爾曹
和王元章梅花酬姚時望

歲寒冉冉餘冰霜留此一樹先春芳山農能事數獨步
淨掃楮素搖兔芒龍池波騰鸛眼裂噴薄元雲沁蒼雪
須臾樹梢送長弓掛此一片寒潭月賞心詩客多風韻
欲挽筆力回春信競搜奇事出枯腸亂挿繁花向春鬢
青錢沽酒白玉缸自勸一觴梅一觴調羹有時會結實
物色夢落商家王山林托交盟未冷衆醉何須悲獨醒

中分一頃養鶴田半頃種花泉半頃



儼山續集卷二

欽定四庫全書

集部

儼山續集卷三

四

詳校官庶吉士_臣李如筠

中書_臣劉源溥覆勘

總校官中允_臣王燕緒

校對官助教_臣汪錫魁

謄錄監生_臣李嵩

欽定四庫全書

儼山續集卷三

明 陸深 撰

五言律詩 五十八首

春早

春訊今年早東風隔歲來
弄黃初上柳試白已傳梅
高閣消殘雪重淵動蟄雷
好花臨水背應恠未曾開

東池

梅花白雪塢楊柳綠烟隄野曠春偏晚江深日又西為
尋彭澤宰如到武陵谿茅屋人家裏時時聞鳥啼

花朝

故園新甲子今日是花朝雨意含高閣風光到小桃陰
晴候農圃山水動漁樵夙有林泉癖淮南謾見招

曉發北津將過慶寧會鄭方齋通守

初破桃花浪遙過杜若洲禹功今尚在江水正東流浩
蕩蓬瀛路追隨李郭舟壯心何處極聊此付春遊

從丹鳳樓前渡江

春色臨江閣年光遍海城東風吹又轉芳草望還生天
路青雲迴鷗波白羽輕平生濟川意野渡更分明

江上登望

江流何渺渺孤帆澹秋暉遙知三山近復送百川歸
樓橫碧落龍湫臨翠微徘徊那可極返照上人衣

端陽

猷畝驚時序端陽復早晴遙知宣賜裏空有侍臣名
舟

子漁龍渡騷人糝酒情千年渾舊俗地接楚江城

五月七日雨中宿觀瀾亭

溽雨江天暗通宵水氣多壯心驚歲月人語隔烟波舟
檝供高枕江湖付短蓑浮沉聊爾爾擊節自長歌

舟中

稍稍時雨歇悠悠午夢醒極知行更樂誰遣鬢成星草
長蛟龍窟風回鸛鶴腥滄浪聞孺子一棹過前汀

五月晦江上送宋義卿民部

重五月不至望六送行舟梅雨快初霽荷風如早秋天
涯俱宦轍江上倍離憂欲采幽芳贈因過杜若洲

初秋對月

今夜新秋月三江復故鄉龍歸行雨後蛩助擣衣長梧
葉三分變蓴絲十尺強人間自離別天上亦河梁

南翔寄姚文光

欲訪高人宅先為倒屣迎何如溪上路空復雪中情風
雅還千載雲霄近五城東流與歸棹曲曲大江清

別朱升之

淺交多別語情極易忘言送客風生舵懷人月到門夜
長偏旅榻秋早是江村復向論心地何年共一樽

秋齋夜聽雨

林屋意自愜雨交羣息初氣通琴幌潤聲斷畫簷疎獨
火明深竹方牀滿舊書夜闌清更徹豈敢少吾廬

夜宿清江浦懷夏公謹

懷人不能寐風雨滿船窓為問揚州勝瓊花解作雙河

流赴東海淮甸自名邦並有澄清志聯舟涉大江

薄暮放舟

金鼓送歸舟星河欲共流微霜初入夜落葉已辭秋人語江聲答漁燈岸影稠逍遙吾取足何處是滄洲

十一月朔與錢國輔江門觀漲

水檻漂垂釣江門不掩風望窮東海若身擬爛銀宮浴日中流急浮天一葦通魚龍吾得免消息任虛空

與張山人夜渡

入夜水雲闊烟霏共渺茫遙空聞鴈陣遠火識魚榔野
渡虛舟楫寒更犯雪霜吾衰倦行役復此戀江鄉

雨夜

入夜簷花細迴風雪片輕歲寒如此候愁絕最關情燈
火虛齋永園林曠野平重門須及早波激大江橫

微雪不成

尚臘猶應雪前春未謝寒入簾看片片隔竹聽珊珊
日含花動流雲帶雨乾來牟如失望誰續腐儒餐

臘庚申雨中步出西郊視葬先兄素菴

和淚北風雨傷心西郭墳江聲空逝水山色有浮雲未
起隆中卧先修地下文池塘春又到南鴈不堪聞

和荅黃勉之

國器推豪俊鄉評熟姓名風帆同偃蹇歌調獨淒清故
里層雲映長河片月生非君敦素尚老去若為情

題西青小隱

幽人肥遯處一片夕陽深入望連秋水橫空帶晚林琴

書元寂寂門巷自陰陰雲路蒼茫裏鴻飛不可尋

乙酉歲際二首

燈火高樓夜人間歲又除團圓兒女會蕭颯鬢毛初
椒葉頻傳令桃符只自書百年強過半非是更何如

二

揚燎明連漢流星紫入烟千門俱守歲一夕共增年
寒勒梅香細春回竹葉前江湖身倘健歌詠祝堯天

和劉仲素鷄鳴山

步入招提境下方秋水浮雪深枯壁定雲遶遠江愁鐘
伴黃昏去泉依白石流共僧分一榻十日不梳頭

十四日濟淮

雲霞開曉色舟楫亂黃流千古濠梁意當年帝業州地
靈山繞關天近水環樓壯志隨丹檢芳春感勝游

湖泊阻風

風水一相激江湖因改形去來本無定恩怨空有情客
路遙山暝漁燈極浦明卧龍何處所歸鴈自知更

過故城

熒薊日已遠薄行齊魯郊
孔顏千古樂管鮑一生交
無復歌長鉞何心學解嘲
舵樓風水急落日掛林坳

長至入侍內殿遇雪

丁卯歲

夙直通明殿雲空雪片飛
履高防失足憐濕畏霑衣
宮蹕傳來遠期簪望不稀
陽和通帝德瑞白滿皇畿

自朝天宮還經海子雪甚有懷顧未齋

密雲逗晨光澄湖抱上方
混鶩聲轉細礙馬路偏長
道

履三陽泰花添兩鬢蒼高樓正奇絕清宴憶春坊

再集五賢堂次至日登山韻奉荅嵩野

路向高峯入筵隨落日開客憐今雨到人擬古風回遠
暝含殘雪新陽動蟄雷愛君清徹骨不為看山來

題來青軒次韻

禪定無來往塵緣有送迎每於冠蓋入先動塔鈴鳴天
近多仙氣山深少世情極知公為國未問水雲程

次韻何仲默別鄭山人兼柬李獻吉

歲晚同為客，衝寒對別尊。
獨憐辭帝闕，不羨曳王門。
行計惟詩卷，相思有夢魂。
南還逢李白，悵望幾黃昏。

人日過徐子容

積雪霽人日，苦寒欺客襟。
相看一杯酒，不負百年心。
劉向俱中秘，相如獨上林。
共君回首地，十載賦春陰。

三日雪中入內署

瑞雪三陽候，祥雲萬里同。
鳳池留伴待，鶴馭入羣空。
林花猶怯凍，宮柳未禁風。
老覺才情減，梁園賦獨工。

與盛希道太史談玄二首

愧乏山林骨欣逢大隱人時參言外意已識相中身斜
月前谿水微風別浦津青山誰可住春入柳條新

二

我有江南屋花叢掛月痕湘簾風不捲寶鼎火初溫仰
面晨窺牖低頭夕掩門千言難易辯無語向君論

謝類菴惠山菜數色

戢戢雲能把盈盈露帶漙琅玕難比色苜蓿正虛盤百

事俱堪做千金欲報難偏慚名未識細檢國風看

自忻州還度石嶺關

北望沙場磧南來石嶺關遙山看圍合新水送潺湲短
髮蒼茫裏高情紫翠間曉陰渾未散暫此寄悠閒

予入晉以四月二日宿權店三日過南關抵盤
陀八月東巡還亦以二日抵權店是晚遂宿南
關三月午餉盤陀豈有定數耶

一飯盤陀驛青山是丹來登臨殊不盡節物苦相催樹

色庭除古秋衣篋筭開天涯俱作客去住莫驚猜

萬善驛小憩

西山初出險南日正隨陽客路逢殘歲人情懷故鄉河
流看渺渺雲樹入蒼蒼天地留形勝中州古帝王

望日觀冰

十里湖南路連空入望遲日華流寶氣風景接瑤池岸
谷人間事冰霜歲晚知揚雄工奏賦羽獵想當時

井陘道中遇雪

卷三
三白豐年兆連朝瑞更多巖阿皆入畫郢曲况聞歌點綴乾坤好調停節候和青山如好客乘興遠相過

入平定州

雪擁頻回馬山寒少見人歲長不記歷風暖即知春泉石謀生薄烟霞即事新此中有真隱能望豈能親

曉發包家集

殘月曉猶上清霜春正濃背山過疊疊前路去重重野店客期集沙村人力農中原戎馬地開運憶飛龍

東鄉長至

去歲巡萍鄉

至日復至日萍鄉更東鄉長途雙客鬢浮世兩年光水
轉谿無路林寒夜有霜天時與人事消息看相將

露坐

露坐消江夜開簾納水風十年常作客百計若為工星
斗三天上鄉園大海東南飛鳥鵲侶未必羨冥鴻

自山南過宣妙寺復會周約菴小燕

深慰停舟待還承高蔕開雨中多寶樹風外妙高臺老

愛塵凝榻心驚夢破槐空門多意味欲去重徘徊

送顧頤齋進表

有美文章伯樓船出漢嘉萬年天子壽一統帝王家灘
下黃牛峽江回白鷺沙大官供賜酒湛露映流霞

習池

襄樊戎馬地山簡愛高閒勝事傳千古江流抱一灣碧
山羅戶牖翠篠漾潺湲東望增鄉思宸遊正北還

登祭江亭

春深羊傅廟江湧鹿門山一上孤亭望遙空獨鶴還浪
沙明浴日苔砌暈成斑耆舊登臨地高風乍可攀

轟廐驛乘潮順風北下

人生快心事風水送歸舟沉復青山曲頻過碧樹洲草
深藏乳鴨波遠沒輕鷗苦愛觀風地終慙為國謀

上虞道中

山海無藏秀乾坤有奧區土風兼百粵習氣近三吳潮
落曹娥渡天垂賀監湖畫船牽錦纜時復下菰蒲

玉山西下換小舟乘月

平生愛山水清興此宵偏兩岸爭開畫中流獨進船星
河相隱映波月共嬋娟又向灘聲裏珠明練倒懸

次韻送李都閫

相望極天涯茲行況近家弦驚雲外鴈弓臥壁間蛇南
國收蠻霧重湖靜浪花宏開仁壽域那敢獻餐霞

常州道中遇雨

片雨江南路舟行幅畫圖樹頭勻著翠荷葉亂跳珠秦

望烟光晚晉陵雲氣孤所嗟舟子意霑灑與泥塗

荊門驛逢張常甫庶子

忽報荊門驛俄傳學士舟喜來狂欲舞起坐病俱瘳客
笥衣重改人家麥已秋風波自淹速意緒且綢繆

五言排律一首

夾馬營大風

不知遊子意正切故鄉情飄飄自南北颯颯亂嘈吽撼
樹動地軸飛沙迷日晶急流江故逆去棹布頻橫前途

勞問訊舟子重論評觸日白雲舞漫空紅雨傾燕啣泥
不度鵲託杪偏驚高閣心疑動危峯勢若撐人間因苦
樂天道任虛盈宋祖龍飛地高皇虎脫嬰百年兩陳迹
雙眼獨分明更發斜陽裏浮萍是此生

儼山續集卷三

欽定四庫全書

儼山續集卷四

明陸深撰

七言律詩

五十二首

春分日大風

九十日春分一半四千里路長風沙寒衣欲變難為客
曉夢無憑數到家關塞每憐新過鴈山城深護未開花
向陽賸有閒庭院滿意東來吹帳紗

大風

昨夜雨沙今大風
美人高閣怨飛蓬
柳條萬結渾欲斷
梨花一株容易空
豈是宋都過退鷁
亦愁鄉信阻歸鴻
江南茅屋吾所愛
莫教吹捲灤西東

早朝

聖人勤政百工良
鐘鼓聲嚴夜未央
仗馬但聞嘶落月
朝鴉不見帶朝陽
班成鴛鴦當堯陛
影動雲霞護舜裳
緩步歸來綸閣靜
尚添官燭校文章

出北城與嚴唯中倪本端同行

天門積雨洗炎蒸日射西山紫翠層白髮先朝老供奉
青衫騎馬向諸陵幸陪駕侶時相並欲挽龍髯却未能
流水稻田城北路去來吾記昔年曾

題函谷草堂為許廷綸

表裏河山故國西昔人曾費一丸泥逃秦客去雞猶唱
擬杜詩成手自題天際浮雲橫紫邏夜窓燃火照青藜
臥龍未許終藏雨指點南陽是隔谿

對月

庭樹扶疎月轉陰
烟銷畫燭候虫吟
隔簾秋色三千里
伴影離人一片心
門寂紅顏頻對鏡
帳寒清夢尚揮金
去年燕趙今吳楚
指點明年意更深

送黃子和主事赴楊州鈔關

潮弄船聲發建康
計程明日到維揚
官橋夜鎖初來客
輦道春摧故國楊
傍斗五雲常捧日
橫空一劍獨飛霜
政成不隔來年路
儒雅風流日繞腸

秦淮漁笛

桃花新水滿江流一棹波連白鷺洲
網趁夕陽魚在柳酒隨村店蟻初
芻高懷閒弄江梅曉古調遙翻
嶰竹秋幾度曲終潮正落有人指
點說東遊

題陶雲湖墨花水仙

淡妝高韻北風寒傍水猶宜月下看
神女誤遺金約指良工新製水晶
盤綠羅帶引風初定碧玉璫含露
未乾細檢畫圖知苦意春光不愛
染雲巒

子殤後一首

小巷深深日似年
柴門寂寂掩風烟
一川花柳春無賴
三五嬋娟夜可憐
狼籍頭顱多殢酒
飄搖魂夢但高眠
少年事業真堪笑
囊有殘詩近百篇

苦寒歸心愈切次胡可泉韻

囊無楊震四知金
手種桓溫柳十尋
殘菊傲霜如戀客
棲鴉帶日自投林
間來曝背猶堪獻
驚起衝寒苦未禁
夢繞故園春事裏
烟波門巷落花深

晚泊

風濤滿目月黃昏
晚泊澄湖獨樹村
漁艇隔溪常宿火
茅茨臨水半開門
夢從五夜多逢赦
古詩罪人多夢赦
人過中年
易感恩聖主如天
司節候陽和須向
歲寒論

閏月廿七日雨雹圓如龍眼書異

亂颭明珠玉不如
兒童驚喜走階除
拾來顆顆圓相並
望裏星星濕有餘
造物自應工變化
陰陽誰為管盈虛
為農復恐傷農事
細檢春秋起例書

丹陽孫思和東遊每當山水勝處輒繪為圖冬
夕過儼山示我光福一段賦此

看君畫裏汎扁舟今夕披圖數勝遊水面青峯七十二
山腰黃橘幾千頭帆開遠影江湖闊天接中流日月浮
試問虎溪橋外水為誰烟浪下蘇州

次韻白鴈二首

秋傳孤鴈過瀟湘人在高樓望故鄉顏色總疑新變態
羽毛錯認舊隨行關山雪後寒無影禾黍風前夜有霜

贏得光輝照塵世久從靈沼近文王

來從星漢下瀟湘
粧點楓林入醉鄉
錦字傳情通萬里
銀箏移柱送斜行
溶溶月色憐孤影
渺渺歸心滯晚霜
堪歎楊雄頭盡白
惟將羽獵奏君王

度太行而西多土壠
層複風物都澹泊
自沁北行谿山間
始見梨花道傍雜
卉紅紫斑斑時四
月二日也慨然有懷京國舊游

一路尋春何處尋
山中春色夏初臨
依微楊柳風無力

惆悵梨花月有陰
陶穴尚存三代制
耦耕應抱古人心
舊游忽憶憐芳事
雲路西南隔上林

夜集夏桂洲宅送崔後渠

無限高懷付酒邊
燭花如為吐紅蓮
雨餘殘暑消簾幕
月轉微風裊篆烟
東閣大開留別客
玳筵高啟列羣仙
不知今夕為何夕
疑在珠林玉樹前

和荅胡汝載

瓊林珠閣不勝寒
慚負時趨白玉闌
獨抱琴書耽寂寞

誰從花竹問平安沈腰已瘦頻移帶潘鬢新添欲滿冠
相對長安同作客棧詩特地勸加餐

和張甬川臥月書懷

可憐三五月嬋娟度榻穿幃攬客眠只照長安情不極
共看千里意俱懸金波欲動江湖迴銀漢斜流殿閣邊
萬戶千門深夜裏清輝應為搗衣偏

謁曹九峯先生墓

清才巨筆更逍遙白玉樓成赴紫霄池上夢驚生碧草

碑前人到莫芳椒陰森氣候還松蓋搖落年華但柳條
多少漢朝金紫貴將軍只數霍驃姚

自天姥望天台

何處天台有石橋行人指點碧雲霄劉郎欲度何由得
隱士難迴枉見招齋磬出林春漏永征旗繞澗暖烟銷
仙凡咫尺空惆悵馬首東來客路遙

兩宿僧房病後身高情聊與白雲親青山似畫聞門少
紅日如輪世路新吳楚地連多客戶瀟湘天遠有騷人

南中歲晚饒風雨愛聽鐘聲報四鄰

雪後入禁中供事

瑤翻層雪護黃金天上清寒分外深
山遶帝京開玉障氣凝宮柳長瓊林
鳳凰池畔風先合鵲樓頭月有陰
雲物不須書異瑞祇占三白慰民心

郊壇演樂

金湧隄沙接鳳城西山晴雪照人明
闌扉出郭依黃道臺殿凌空鎖太清
陽氣正凝南至日禮官頻展奉常牲

聖人制作親遭際身到鈞天聽九成

禁中齋夜

寂寂齋心夜氣濃玉河西下鳳樓東
忽驚凡骨留天上
賴有仙僚共雪中
蓮漏暗通風力勁
瑣窓斜映月痕空
大烹本為牛羊薦
鼎鼐調和愧未工

臘日嚴寒新製狐裘服之

六十一回經歲寒
狐裘初試向長安
南人不識千金價
北地尤珍一腋看
白盜已非前轍遠
紫貂雖好策勲難

哀慵尚戀君恩重辦得朝趨候夜闌

丁丑除夕

門掩虛堂畫燭輝隔宵先自理朝衣冰霜遠道臨青鬢
星斗中天護紫微豈有消埃報知己且將身世付忘機
物情自與流年換今昨無勞論是非

別李時元下第

吳山蒼蒼共燈火潞河悠悠即去途乍可後期還磊落
莫因遠適悲江湖晴風浪搖四月麥宿雨帆輕十幅蒲

南國詩成須早寄風塵清夢客樓孤

和易欽之遊廣恩寺

春日忻逢水西寺入門無數香烟凝鄉園千里遠作客
塵土十年終愧僧風光每向閒邊見山色試憑高處登
未問西來栢子樹可憐清沼玉壺冰

視牲

向晚郊壇第幾巡願儲精意奉明禋去來路熟渾忘遠
西北山多欲礙春終見牛羊歌帝右未因麕鼠變齋晨

東風又遍天街草御輦須憐碧玉茵

右廂齋居

槐影參差月滿空橋門雲館鎖重重齋心自覺春宵永
瘦骨偏承夜氣濃北斗旌旗驚閃爍南郊圭璧奠從容
相如最有凌雲筆恨殺文章草漢封

送陸良弼調楚雄

長沙才調賈生同古郡滇省楚更雄萬里驛程山共水
五更心事雨兼風極知駿骨臺堪築未為齊門瑟轉工

交契十年情不盡長安幾度別離中

分題燈下細書壽副憲盧師召乃翁

青藜火底坐揮毫猶有蠅頭滿薛濤似與黃庭傳妙訣
還將白練寫風騷懷人詩就石湖曉寄子書成劒閣高
見說方瞳今已碧更從天際送鴻毛

清明日半軒前丁香盛開偶題

小院迴廊曲曲深為誰頻結雨中心東風吹到第幾信
節序俄驚百五臨簇簇紫茸如可嚙蕭蕭華髮豈勝簪

故園買去開還早相伴溪梅水竹林

歸途再同林介立經行蓮塘

楊柳芙蕖一徑長
未秋先已動新涼
塵心到此消應盡
暇日來多儘不妨
空翠拂衣山有氣
柔芳過雨水俱香
千尋萬雉金湯地
信有人開吏隱堂

送林以吉提學

泥封芝檢下青冥
帝輔皇畿重典刑
秋滿大江雙畫楫
風隨驄馬幾長亭
滿蹊桃李含時雨
到處篇章發地靈

更向斗南占氣象雲開五色見文星

食菱

一曲菱歌江上秋畫船歸近望江樓北來物色渾如玉
南望鄉關第幾州風味疑從仙掌墮水芳曾傍錦雲浮
歲寒獨枉佳人惠消得相如一片愁

食酥疊前韻

瓊花凝露拂高秋玳瑁筵前十二樓軟滑不須論北塞
溫柔元自出南州夜寒錦帳笙歌細春暖金尊琥珀浮

慚愧清寒玉堂客得聞風味破新愁

謝顧未齋惠蓮實疊前韻

長卿病肺幾經秋藥餌頻須正倚樓忽枉新篇題玉井
渾如高誼借荊州細傾圓實珠璣亂尚帶清香玉露浮
見說功多心獨苦采蓮歌罷使人愁

疊韻答柴德美黃門

藻思芙蓉露下秋遠過王粲賦登樓時焚左掖三千疏
曾定山東一百州獨客琴書殘臘盡中天臺殿瑞烟浮

夕陽無限憑高興興汝同懷北顧愁

和俞國昌食鱸再疊秋字

鱸魚誰送海門秋遠客思歸正倚樓張翰因風辭洛下
東坡乘月向黃州鱸成飛雪銀絲細目斷烟波釣艇浮
勝有詩筒報知己且憑斗酒慰羈愁

戊戌元旦早朝

曉日瞳矓映彩霞先春欲綻上林花侯藩接履朝元旦
聖主垂衣御正衙楓陛天高嚴虎豹繡旗寒襲偃龍蛇

九重禮樂登三代四海車書正一家

早朝

宮井疎鐘曙色催五雲百和繞蓬萊優游萬國龍顏動
森列千官雉扇開寶鼎赤墀籠曉日玉音丹陛隱春雷
城鴉高拂扶桑景白玉橋頭侍從回

初試羊羶予有一端藏笥中者十年茲教內館
始製為衣以禦北風感而有作

蕭颯頭顱感是非半生何敢愛輕肥相將歲晚看新製

指點年華亦故衣
北郭嚴凝隨瘦馬
西州辛苦到殘機
病來却恐渾憔悴
且試休文舊帶圍

和宮端後渠玉亭賞蓮之作

玉亭清切五雲邊
盆沼誰移玉井蓮
來賞正逢初過雨
倚看須著半含烟
何妨絕代稱君子
准擬前身是水仙
四十年來同榜客
一尊相屬醉花前

疊韻荅嚴介谿賞蓮

紅衣翠蓋玉闌邊
一曲新涼聞采蓮
芳潤似擎金掌露

清芬疑惹御爐烟主人元是瀛洲客勝賞真成陸地仙別
後難忘定何處一樓風雨五更前

恭謁顯陵二首

曠曠曙色映祥雲臺殿巖巒錦繡紋春氣正濃連王氣
人文逾朗應乾文水知宗海千川合脉是真龍五嶽分
願獻周原瓜瓞頌萬年長擁聖明君

龍蟠鳳翥有餘奇聖教皇情無盡時華表欲棲千載鶴
靈風常滿萬年枝橋山弓劍瞻雲闕寢殿衣冠展月儀

地接三都

中都祖陵南都孝陵北都七陵

元咫尺天開一統正雍熙

中秋月下懷高進之

浦溆虛堂欲暮秋故人青眼夜深留微風明滅漁舟火
四壁淒清戍角樓身世渾疑非幻境心期千載有神遊
庭前忽報中秋月踏碎花陰未肯休

送方矯亭赴南祠部

詞人南國古來多又渡秋江渺渺波兩地客懷俱復爾
十年心契奈愁何烏啼畫省常封印簾捲鍾山且對歌


後夜黃金臺上路鴈書頻望下星河

昨弘治辛酉南畿秋試獲識吳江錢廷輔廷佐
兄弟若聯珠駢璧文采映射心竊賞之既別去
無從晤言時時往來於懷今嘉靖丁亥夏廷佐
以扁舟訪予江村始知廷輔方應郡貢去而廷
佐先領正德己卯鄉薦矣轉盼三朝垂三十載
而予亦老矣為之感歎次韵奉荅

秋風一曲伯牙琴曾和鳴臯鶴在陰別後相思多夢寐

重逢今日是山林大鵬萬里須搏海駿馬高臺為築金
見說松陵富酌唱直從皮陸到如今

今吳江即
古之松陵



儼山續集卷四